



UNIVERSITÄTS-
BIBLIOTHEK
PADERBORN

Thesavrvs|| Locorum|| Commvnivm|| Jvrisprvdentiaë

Barbosa, Agostinho

Lipsiæ, 1697

Cap. VIII. Sapiens, peritus.

[urn:nbn:de:hbz:466:1-80071](https://nbn-resolving.org/urn:nbn:de:hbz:466:1-80071)

IV.

Quoties tutor per administrationem tutelae impeditur, ne suis rebus praesse & inde certum lucrum capere possit, toties salarium petere potest. Quia nemini officium suum debet esse damnosum.

Limita: ut tamen non propria sed magistratus auctoritate ipsi constituatur salarium. Carpz. P. 2. Const. 11. def. 40. in fin.

V.

Salarium augeri & minui debet auctis & diminutis laboribus. Menoch. de Arb. Jud. quast. cent. 3. cap. 223.

VI.

Magistratus nemini potest salarium constituere sine iussu Principis l. un. C. de praebend. salar.

Limita: (1.) Medicis, Professoribus, & ubi publica causa exigit l. 4. §. 2. de decret. ab ord. faciend. l. 2. C. de Decret. Decur. (2.) Civitates Regiae, non municipales, senatoribus syndicis possunt, aded ut si deficient civitatis redditus, recte modica collecta imponatur. (3.) si ita consuetudo obtineat. Perez. C. de praeb. salar. num. 1. 2. segg. Caeterum nec augeri potest salarium inconsulto principe ob tenuitatem pretii & laboris magnitudinem. Brunnem. ad l. un. C. d. t.

VII.

Salarium non est dandum iis, qui nullam aut exiguam praestant operam, vel qui otiosi aut inutiles sunt; imò quod datum est, iis est auferendum. Perez. C. de praeb. salar. n. 4. §. tit. C. de Profess. & Med. n. 6. in fin.

Limita: Impeditis, per quos non stetit, quo minus operam praestiterint, integrum salarium solvi debet. Perez. C. de Profess. & Med. n. 9.

VIII.

Dato officio praesumitur solitum salarium promissum. Brunnem. ad l. un. C. de praeb. salar. si autem varium fuerit salarium, id solvendum officio, quod longo tempore fuit solutum, quodque habuit praedecessor. Perez. C. eod. num. 10. Et, si is, qui olim jam officio functus est, de novo assumatur, eodem salario, quò ante, reconductus censetur. Perez. C. de Profess. & Med.

IX.

Qui sentit commodum salarii, sentiat onus laboris. Brunnem. ad l. 14. C. de susceptor. in fin. & quidem pro rata temporis laborisque, Perez. C. de annon. civil. n. 7.

X.

In casu publicae necessitatis minui possunt salaria eorum, quibus satis provisum, ut ex iis praesenti necessitati subveniatur, imò possunt inutilibus aulicis auferri. Perez. C. de superind. num. 4.

CAP. IV.
Salus.

Salus Reipublicae suprema lex esto, l. quod semel 5. de decret. ab ordin. faciend. & supr. lib. XIV. cap. Patria Ax. 2. Hinc male infert Maestert. 1. de J. sit. Roman. Ll. 6. 7. numer. 4.

nullam Legem latam esse principaliter ob favorem privataum, vid. supr. lib. I. cap. de Anima.

CAP. V.
Salutatio.

Salutatio signum est reconciliationis, Schneid. devv. lib. 4. Instit. de injur. §. fin. num. 3. sicut è diverso salutationis subtractio signum est inimicitiarum, gloss. in c. cum Adrianus 29. dist. 63. ubi vid. Barbof. & ideo potest talis ut suspectus recusari, arg. c. cum super Abbatis 23. de offic. deleg.

Intellige verum, si nimirum antea solitus salutare, Barbat. in proem. Clem. in §. salutem. Gothofred. in addit. ad Schneidew. lib. Instit. de injur. §. fin. num. 4. lit. f.

CAP. VI.
Sanctitas.

Axioma I.

Sanctitas non ex generis nobilitate vel dignitate innotescit, sed ex fidei puritate & morum honestate, c. nos qui 3. dist. 40.

II.

Quorum sanctitas est aequalis, eorum etiam festivitas debet esse aequalis, cap. scire debet 8. dist. 76. Welfenb. conf. 41. num. 147. Treutl. conf. 14. n. 191. Goeden. conf. 21. num. 5. Joh. Goeden. 3. conf. Marp. 32. n. 28.

CAP. VII.
Sanguis.

Axioma I.

Sanguinis causa in Ecclesia agitari non debet, c. cum Ecclesias. exir. de immunit. Eccles. & ideo sanguinis poenam Clerici inferre non debent, cap. saepe 23. quast. 8. cap. Clericis. c. penult. exir. no Cler. vel Monach. c. in Archiepiscopatu 4. exir. de raptor. c. ad audientiam 3. exir. de crimin. iuss. sed debent aliis causam hanc delegare, cap. ult. no Cleric. vel Monach. in 6.

II.

Jura sanguinis non mutantur, l. jura sanguinis 8. de R. I. neque pactis subjacent, l. jus agnationis 34. ff. de pact. Welfenb. 1. conf. 2. num. 59.

CAP. VIII.
Sapiens, peritus.

Axioma I.

Cognito facto, perito homini jus in facili atque in proclivi est, Cujac. in praefat. recit. ad lib. Cervid. Sc. evole. Ita de Aristone Plinius lib. 1. epist. 22. Jam quanta sermonibus ejus fides? quanta auctoritas? quam pressa & decora cunctatio? quid est quod non statim sciat, & tamen plerumque haesitat, dubitat de diversitate rationum, quas acri magnoque judicio ab origine causaeque primitis repetit, discernit, expendit.

II. 52.

II.

Sapere non debemus plusquam oportet, c. 1. de renunc. in 6. sapientia enim cum sobrietate est habenda, c. 1. §. qui ergo loqui. distinct. 43. siquidem sapiens nulli nocere intendit, c. sapiens. 6. quasi. 1. nec unquam inanis est, c. sapiens 77. de penit. dist. 2. unde sapiens erit in poena, qui stultus fuit in culpa, cap. qui ea 10. distinct. 38. cum sapientis sit, revocare ea quæ loquitur, cap. magno 1. 22. quasi. 4.

CAP. IX.
Satisfactio, Satisfactio.
vid. Cautio.

Axioma I.

Non satisfactio qui verbo se offert, l. servus si heredi 34. in fin. ff. de statu liber. Bart. & Zal in l. ait Prator. §. si quis paratus. n. 1. de oper. nov. nunc. Schvvanemann. 1. process. Cameral. c. 10. n. 4.

II.

Satisfactio non sufficit, nisi satisfactio perseveret, Menoch. remed. 2. ad ipsi. possess. num. 92. habet enim ea effectum successivum, l. si is a quo. 3. §. ult. cum l. seq. ff. ut in poss. legat. ibique Dd.

III.

Satisfactio pro solutione est, l. 52. ff. de solut. Cujac. ad l. 45. de administr. & peric. tutor. nempe si fiat volente creditore l. 4. quibus mod. pign. Invidus enim creditor culpandus non est, si satisfactione repudiata solutionem desideret, & §. ist. Einem zu verdrucken / der bezahlt seyn will.

CAP. X.
Scandalum.

Axioma I.

Scandalis & periculis pro posse via est præcludenda, Clem. abusioibus 2. in princ. de penitent. & remiss. facit enim interdum scandalum quid omnissibile, quod de jure aliàs esse faciendum, c. 1. distinct. 31. c. cum teneamur 6. extr. de prebend. c. super 4. extr. de stat. Monach. ita si ex novitate contra consuetudinem scandalum oriatur, novitas illa vitanda est, c. quod 3. extr. de consang. & affin. ita etiam scandalum impedire matrimonium dicitur contrahendum, cap. cum in tua 27. extr. de sponsal. quia cum scandalo nihil faciendum est, c. ad aures 5. extr. de tempor. ordin. c. nihil. 2. extr. de præscript. cap. 8. de Reffloribus 3. extr. de Cleric. agrotant. c. cum ad 6. extr. de stat. Monach. cap. significasti 18. extr. de homicid. ita ut etiam per mandata sine clausula scandalis obviari possit. Gædd. Consil. Marburg. 16. n. 140. Ita mali exempli causa multa prohibentur, vid. Nebelkra dec. 13. pag. 151.

II.

Ad scandalum evitandum multa solent concedi, quæ aliàs non concederentur, Menoch. de recuper. poss. remed. 1. numer. 379. facit enim

scandalum quandoque concessibile quid, quod aliàs non concederetur, c. presbyteros 2. dist. 95. ita ad evitandum scandalum ad tempus à jure receditur, cap. Deus 11. extr. de vit. & honest. Clem. c. quoniam 3. extr. de jure patron. ac interdum detrahitur pro vitando eo veritati, cap. cum ex inuncto 2. extr. de nov. oper. nunc. ita Judex, ut evitentur scandala, potest partes cogere ad concordiam, Bart. in l. æquissimum de usufruct. Afflict. decis. 149. in fin. Dec. cons. 156. numer. 6. qui consuluit, Papam posse in concilio accusari ne scandalum oriatur, imò non esse Pontifici Maximo obediendum, quando ex obedientia futurum esset scandalum, egregie congestit Cravette, consil. 263. num. 7. cons. 294. num. 8. cons. 314. col. 4. vers. secundo respondeo. & quod ad illud evitandum & discordias præcipientas Episcopus vel ipse etiam Papa officio exui queat, ex c. si Papa 6. dist. 40. cap. significasti 4. de Elect. probat Arnif. 2. relect. polit. cap. 2. sect. 7. num. 80. vid. & Covar. ad reg. peccatum de R. I. relect. p. 1. n. 4.

III.

Propter scandalum non est dimittenda veritas, cap. magna 7. cap. extr. de vot. & vot. redempt. c. qui 3. extr. de R. I. nec debet illud impedire bonum faciendum, cap. nisi 10. quasi. 3.

CAP. XI.
Scelus.

Axioma I.

Sceleris voluntas eadem severitate punitur, qua effectus, c. si quis 6. q. 1. vid. sup. lit. M. cap. Maleficium.

II.

Quæ scelere acquisita sunt, fisco cedunt, l. 9. ff. de Jure Fisci.

CAP. XII.
Schola.

Axioma I.

Scholæ locis commodis constituendæ, ne strepitu discipuli invicem turbentur, Perez. C. de studiis liberal. n. 5. Hinc malè faciunt Magistratus, qui diversas lectiones in uno Auditorio Scholarum trivialium haberi permittunt cum damno juventutis, Brunnem. C. eod. in fin.

II.

Cura Scholarum trivialium ad Episcopum spectat, Carpz. L. 1. Jurispr. Eccles. d. 9. & licet constitutio Præceptorum jure communi ab omnibus Magistratibus municipalibus fieri possit, inspectio tamen Scholarum ad Principem pertinet, e.g. si in scholâ aliquâ magno conamine Metaphysicæ subtilitates discipulis inculcentur, Princeps id prohibere aut moderari potest vid. omnino Brunnem. Lib. 1. cap. 6. Membr. 12. §. 14.

CAP. XIII.
Scientia, Scire.

Axioma I.

Scientia Principis habetur pro causa concessionis,

(Y) 3